

ŽEMAITIU STODĒNTU KORPORACĒJĒ „SAMOGITIA“

SUNGAILIENĒ LORETA

Žemaitiu stodēntu korporacējē „Samogitia“ bova isteigta 1926 m. kuova 17 d. Kauna (Lietovuos) universitetē tam, ka būtom atsēmintas žemaitiu kultūrininku Stanevičē Sēmuona, Puoškas Diuonīza, Daukonta Sēmuona, Valončiaus Muotiejaus veikla. I korporacējē sosēspēitē stodēntā, katrēi tou laikuotarpio muokies Kauna Vītauta Dēdliuojē universitetē. Anū prougramuo bova rašuoma: „Susibūrēm vardan bendros savo žemaitiškos kilmės, vardan bičiuliško akademinio bendravimo, mes susitelkēme krūvon korporacijoje „Samogitia“, pasistatē sau tikslu palaikyti ir ugdyti gerāšias žemaičių savybes ir sukurti tvirtā žemaičio studento asmenybē.“ Korporacējēs šūkis bova: „Unita, virtus, scientia“, vuo spal-

vas – geltuona, žali, mielēna. Īsteigē korporacējē 13 vīru. Kelē iš anū bova atvažiavē stodējoutē iš Klaipiedas krašta. „Samogitia“ korporacējē prēklusē vėsuo-kē tēkiejēma ēr vėsuočiausiu puolitēniu pažiūrū žemaitē stodēntā. Anuos narē stuoruojiēs i sava būri pritraktē kuo daugiau stodēntējēs, ragēna sava narius iduomautēis Lietovuos pajūrē ēr Mažuosēs Lietovuos proublemuoms. Klaipieduo liuob būtē organizoujemē metēnē korporacējēs sovažiavēmā, katrūs liuob dalīvautē pu kelis šimtus stodēntu ēr daug Klaipiedas miesta vėsuo-menēs atstuovu. Par tuokius sosēspēitēmus anēi liuob platē sosēpažintē so Klaipiedas miesto, paplaukiuotē pu jūra. Par sovažiavēmus liuob būtē skaituomas paskaitas, vīka iškilmingē puosiedē, koncertā, pasilinksmēnēmā. Konfērencēju dalīvē, tvarkingā išsirikiavē, eisēnuo liuob aplonkītē kapēnēs, katruos ēlsas žovē Klaipiedas krašta sokēlielē. Eisēna vēsumet liuob atruodītē poikē: plazdiejē korporacējēs vieleva, grajējē polka uorkestros. Tuokius „Samogitia“ sovažiavēmus Klaipieduo vuokītē liuob laikītē puolitēniems demonstracējuoms.

Korporacējēs sovažiavēmā īr vīkē ēr Žemaitējēs simbolēnie suostēnie Telšiūs (1934 m.), Varniūs.

„Samogitia“ pavīzdio isēkūrē „Jūras“ korporacējē.

„Samogitia“ korporacējēs pirmininkās īr bovē: K. Alminauskis (Almēns), J. Bagduons, K. Januta, S. Konstavičē (Kēsgaila), A. Konstavičē, J. Duomarks, V. Puoškos, B. Vaikuosos, A. Daugēns. 1938–1941 m. korporacējē vaduovava S. Šetkus.

Šiuos korporacējēs veikla riēmē senuosēs kartuos intēligētā žemaitē. Korporacējē toriejē daug mecenatu ēr garbies nariū. „Samogitia“ veikluos pavīzdīs paokatējē isteigtē ēr Kauna stodēntu korporacējē „Filiae Sa-



Kauns. Sungailienės Loretas portėgrapėjē